



214. ԳՐԱԶԸ

Մի մարդ թունդ խմած ժամանակ խանին ասում է.—հա՛ն, ես ամբողջ ծովը կխմեմ: Խանը ծաղրում է սրան, իսկ մարդը համառում է և ասում.—Արի գրազ դանք, արի գրազ դանք:

Խանը գրազ է գալիս այն պայմանով, որ եթե այդ մարդն ամբողջ ծովը խմի, խանը զրկվի իր հարստությունից՝ հօգուտ այդ մարդու, իսկ եթե ոչ՝ պետք է նրան կախեն:

Առավոտը, երբ այդ մարդու քեֆովությունն անցնում է և խելքը գլուխը գալիս ու իր դրած պայմանն իմանում, ահից քար է կտրում: Սրա կինը տեսնելով իր ամուսնու այդ վիճակը, հարցընում է, և մարդը պատմում է իր գլխին եկածը:

—Վնաս չունի,—ասում է կինը,—ես կգնամ և խանի պատասխանը կտամ:

Երբ խանը հրապարակով կանչում է մարդուն և ասում՝ կամ խմիր ծովը, կամ կախ եմ տալիս, կինն առաջ է գալիս և ասում.

—Խան, իմ մարդն ասել է, որ միայն ծովը կխմեմ, այդպե՛ս է:

—Այդպես է,—պատասխանում է խանը:

—Զի՞ ասել, որ գետերն էլ խմեմ,—հարցնում է կինը:

—Ոչ,—դարձյալ պատասխանում է խանը:

—Ուրեմն, դու պահիր գետերի ընթացքը, որ նրանք ծովը չթափվեն և իմ մարդը կխմի ամբողջ ծովը,—պատասխանում է կինը և հաղթում: